



# SLUŽBENI GLASNIK OPĆINE KALESIJA

Godina: XLV

Utorak, 02.03.2010. godine  
K A L E S I J A

Broj: 2

## OPĆINSKO VIJEĆE

### 14

Na osnovu člana 13. Zakona o principima lokalne samouprave («Službene novine FBiH», broj 49/06 i člana 42. Statuta općine Kalesija («Službeni glasnik općine Kalesija», broj: 10/07 i 7/08), Općinsko vijeće Kalesija na sjednici održanoj dana 25.02.2010. godine, d o n o s i

#### ODLUKU

o načinu i uslovima raspodjele poslovnih prostora u stambeno-poslovnoj zgradi «Stari MUP» i poslovnoj zgradi «DOM MLADIH» Kalesija

#### Član 1.

Ovom Odlukom se utvrđuje način i uslovi raspodjele, visina naknade za korištenje prostorija i nadležnosti za potpisivanje ugovora o zakupu poslovnih prostora vlasništvo Općine Kalesija, koji se nalazi u prizemlju stambeno-poslovne zgrade «Stari MUP» Kalesija i na prvom spratu poslovne zgrade «DOM MLADIH» Kalesija.

#### Član 2.

Poslovni prostori iz člana 1. ove Odluke raspoređuju se na korištenje parlamentarnim grupama-političkim partijama koje participiraju u sastavu općinskog vijeća Kalesija na sledeći način:

1. Prostorija broj 1 površine 16,38m<sup>2</sup>, prostorija broj 2 površine 17,64m<sup>2</sup> i prostorija broj 3 površine 32,00m<sup>2</sup>, Parlamentarna grupa Stranci Demokratske akcije SDA,

2. Prostorija broj 4 površine 12,00m<sup>2</sup>, Parlamentarna grupa Socijal Demokratske unije (SDU),

3. Prostorija broj 5 površine 35,24m<sup>2</sup>, Parlamentarna grupa Socijaldemokratska partija (SDP),

4. Prostorija broj 6 površine 16,38m<sup>2</sup>, Parlamentarna grupa Stranci za Bosnu i Hercegovinu (SBIH),

5. Prostorija broj 13, površine 15m<sup>2</sup> Parlamentarna grupa Stranka Demokratske aktivnosti (A-SDA),

Pomoćne prostorije: hodnik i sanitarni čvor su zajedničke prostorije korisnika iz stava 1. ovog člana.

#### Član 3.

Za korištenje prostorija iz stava 1. člana 2. ove Odluke korisnici su dužni plaćati naknadu u iznosu od 1,00KM/m<sup>2</sup> mjesečno u korist Budžeta općine Kalesija.

Za pomoćne prostorije iz stava 2. člana 2. ove Odluke neplaća se naknada.

Naknada se plaća mjesečno, najkasnije do 5-og u mjesecu za predhodni mjesec.

#### Član 4.

Korištenje poslovnih prostorija po ovoj Odluci može trajati najduže do 31.12.2012.godine.

#### Član 5.

Nakon stupanja na snagu ove Odluke korisnici prostora iz člana 2. ove Odluke su dužni zaključiti ugovor u roku od 30 dana sa Općinom Kalesija, koju će zastupati Općinski načelnik, gdje će biti regulisani ostali uslovi korištenja u skladu sa zakonom.

#### Član 6.

Danom stupanja na snagu ove Odluke prestaje da važi Odluke o raspodjeli poslovnog prostora u stambeno-poslovnoj zgradi «Stari MUP» («Službeni glasnik općine Kalesija», broj 3/07).

#### Član 7.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-586  
Datum, 26.02.2010. godine

PREDSJEDAVALA  
OPĆINSKOG VIJEĆA

Fetah Hujdur s.r.

## 15

Na osnovu člana 13. Zakona o principima lokalne samouprave ("Sl. novine FBiH", br. 49/06) i člana 42. Statuta općine Kalesija – Prečišćeni tekst ("Sl. glasnik Općine Kalesija", broj 10/07, 7/08), Općinsko vijeće Kalesija, na sjednici održanoj dana 25.02.2010. godine, d o n o s i

### ODLUKU

o uslovima i načinu davanja u zakup stana u Tuzli

#### Član 1.

Ovom Odlukom utvrđuju se uslovi i način davanja u zakup stana u Tuzli, period trajanja zakupa, početna cijena zakupa i nadležnost za potpisivanje ugovora o zakupu.

#### Član 2.

Predmet davanja u zakup je stan u Tuzli, ul. "Franje Markovića" br. 4, sprat 10, stan br. 43, površine 52 m<sup>2</sup>.

#### Član 3.

Za dodjelu u zakup stana iz člana 2. ove Odluke raspisat će se javni poziv na licitaciju putem sredstava javnog informisanja u roku od osam dana od dana usvajanja ove Odluke.

#### Član 4.

Period trajanja zakupa ne može biti duži od 5 (pet) godina.

#### Član 5.

Početna cijena zakupa na usmenom javnom nadmetanju iznosi 3 KM/ m<sup>2</sup> mjesečno.

#### Član 6.

Stan se dodjeljuje u zakup putem usmenog javnog nadmetanja a proceduru provodi komisija koju imenuje Općinski načelnik.

#### Član 7.

Pravo učešća na licitaciji imaju uposlenici Organa uprave Općine i penzionisani radnici organa uprave, a ukoliko ne bude zainteresovanih radnika iz Organa uprave, u ponovljenom postupku pravo učešća imaju sva pravna i fizička lica.

#### Član 8.

Ovlašćuje se Općinski načelnik da nakon okončane procedure javnog nadmetanja sa najpovoljnijim ponuđačem zaključi ugovor o dodjeli u zakup stana, a kojim će se regulisati međusobna prava i obaveze ugovornih strana.

#### Član 9.

Odluka stupa na snagu danom objavljivanja u "Službenom glasniku Općine Kalesija".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-587  
Datum, 26.02.2010. godine

PREDSJEDAVALA  
OPĆINSKOG VIJEĆA

Fetah Hujdur s.r.

## 16

Na osnovu člana 35. Zakona o principima lokalne samouprave („Sl. novine FBiH“, broj 49/06), člana 42. i 132. Statuta općine Kalesija - Prečišćeni tekst („Sl. glasnik općine Kalesija“, broj: 10/07 i 7/08), Općinsko vijeće Kalesija, na sjednici održanoj 25.02.2010. godine, d o n o s i

### ODLUKU

o utvrđivanju stvarne služnosti za postavljanje podzemnih komunalnih instalacija kroz napuštenu vodovodnu trasu „Papraca – Kalesija“ na području Općine Kalesija

#### Član 1.

Ovom odlukom utvrđuje se lokacija u općini Kalesija na kojoj se može uspostaviti pravo služnosti za postavljanje i održavanje podzemnih instalacija: elektroenergetska mreža, telekomunikacijska mreža, kablovska TV mreža i drugo (u daljem tekstu komunalne instalacije), uslovi pod kojima se uspostavlja stvarna služnost, visina naknade za uspostavljenu služnost i organ nadležan za provođenje postupka.

#### Član 2.

Za dio napuštene vodovodne trase „Papraca – Kalesija“ koja prolazi kroz teritorij općine Kalesija i zemljište u državnoj svojini može se uspostaviti pravo stvarne služnosti za postavljanje i održavanje podzemne komunalne instalacije u korist investitora uz prethodno pribavljenu urbanističku saglasnost.

#### Član 3.

Naknada za ustanovljenu stvarnu služnost iz predhodnog člana iznosi 3 KM (tri konvertibilne marke) po jednom metru dužnom trase.

Član 4.

Korisniku ustanovljene služnosti ne pripada pravo zabrane ustanovljavanja služnosti novim korisnicima na istoj trasi, pod uslovom da nove služnosti ne ugrožavaju tehničku funkcionalnost i nesmetano korištenje predhodno ustanovljenih služnosti.

Član 5.

Rješenje o ustanovljenju stvarne služnosti donosi Služba za urbanizam, geodetske, imovinsko-pravne poslove i infrastrukturu, a u skladu sa urbanističko tehničkim uslovima propisanim u rješenju o urbanističkoj saglasnosti za izgradnju podzemne komunalne instalacije.

Član 6.

Ova odluka stupa na snagu danom objavljivanja u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-588  
Datum, 26.02.2010. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

---

## 17

Na osnovu člana 35. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06) i 42. Statuta općine Kalesija – Prečišćeni tekst („Sl. glasnik općine Kalesija“, br. 10/07 i 7/08), Općinsko vijeće Kalesija na sjednici održanoj dana 25.02.2010. godine, d o n o s i

### ODLUKU

o kriterijima za podsticaj u poljoprivrednoj proizvodnji za 2010. godinu

Član 1.

Ovom Odlukom utvrđuju se kriteriji za raspodjelu novčanih sredstava u iznosu od 150.000 KM namijenjenih za podsticaj u poljoprivrednoj proizvodnji.

Član 2.

Iznos od 100.000 KM dodijeliti u novcu poljoprivrednim proizvođačima koji budu registrovani do 31.03.2010. godine, na ime sjetve u 2010. godini.

Iznos od 20.000 KM dodijelit će se na ime naknade eventualnih uginuća stoke i edukacije poljoprivrednih proizvođača.

Iznos od 30.000 KM izdvojiti će se za nabavku aparature za laboratorijsko ispitivanje uzoraka zemljišta.

Član 3.

Poljoprivrednim proizvođačima koji ispunjavaju uslove iz člana 2. stava 1 ove Odluke novčana sredstva biće dodijeljena putem žiro računa u 2010. godini, a raspodjela ovih sredstava izvršit će se u skladu sa dodatnim kriterijima koje utvrdi Općinski načelnik na prijedlog Službe za poduzetništvo i budžet.

Član 4.

Za realizaciju ove Odluke zadužuje se Služba za poduzetništvo i budžet, a izvještaj o realizaciji sredstava iz člana 2. ove Odluke će dostaviti Općinskom vijeću na razmatranje i usvajanje.

Član 5.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-589  
Datum, 26.02.2010. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

---

## 18

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08), Općinsko vijeće Kalesija sjednici održanoj dana 25.02.2010. godine, d o n o s i

### ODLUKU

o izmjenama i dopunama Odluke o kriterijima za utrošak sredstava za zapošljavanje na području općine Kalesija

Član 1.

U Odluci o kriterijima za utrošak sredstava za zapošljavanje na području općine Kalesija („Sl. glasnik općine Kalesija“, broj 6/09), u članu 1. broj „100.000“, zamjenjuje se brojem: „40.000“, a iza riječi: „KM“, briše se tačka i dodaje tekst: „i budžetom Općine za 2010. godinu u iznosu od 100.000 KM“.

## Član 2.

U članu 5. iza riječi: „broj“, broj: „1“, zamjenjuje se brojem: „9“, broj: „100.000“, zamjenjuje se brojem: „40.000“, iza riječi: „KM“, briše se tačka i dodaje tekst: „i Budžetom općine Kalesija za 2010. godinu (Sl. glasnik općine Kalesija, broj 10/09), sa pozicije – Podrška zapošljavanju – Ekonomski kod 614912 u visini 100.000 KM“.

## Član 3.

Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVALAČI  
OPĆINSKOG VIJEĆA

Broj: 01-05-2-590  
Datum, 26.02.2010. godine

Fetah Hujdur s.r.

## 19

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07 i 7/08), Općinsko vijeće Kalesija na sjednici održanoj 25.02.2010. godine, d o n o s i

## PLAN PROLJETNE SJETVE ZA 2010. GODINU

## 1. UVOD

U strateškim razvojnim dokumentima Općine Kalesija, poljoprivreda je privredna djelatnost koja ima prioritetno mjesto, jer Općina raspolaže veoma značajnim resursima za intenzivan razvoj poljoprivrede, privredne grane koja može uposliti veći broj stanovništva. Osamdesetih i devedesetih godina prošlog stoljeća ovo područje je bilo jedno od najznačajnijih poljoprivrednih krajeva u kojima se dešavao intenzivni rast ove privredne grane.

Poljoprivredno preduzeće Spreča sa izuzetno razvijenom stočarskom i mljekarskom proizvodnjom, kao i pratećom proizvodnjom ratarskih kultura upošljavalo je značajne ljudske potencijale, a stepen obradivosti poljoprivrednih površina bio je iznad republičkog prosjeka.

Privatizacijom ovog preduzeća u poslijeratnom periodu, dio objekata i poljoprivrednog zemljišta kupuje Sarajevski Milkos, koji ovdje započinje intenzivne aktivnosti

na obnovi stočarske i ratarske proizvodnje sa pratećom infrastrukturom.

Na području Općine Kalesija kroz proteklih 5–6 godina desetine malih poljoprivrednih proizvođača je stasalo u manja stabilna poljoprivredna gazdinstva, tako da su oni sa svojim proizvodima sve više i više prisutni na tržištu.

Ovom pozitivnom trendu razvoja poljoprivrede na području Općine Kalesija doprinijelo je više faktora:

- nemogućnost stanovništva da nađe profitabilniji posao,

- mjere Federalne, Kantonalne i Općinske vlade koje podstiču primarnu poljoprivrednu proizvodnju,

- promjena opšteg odnosa prema poljoprivredi,

- Prodaja farme Krušik sarajevskom Milkosu.

## 2. STRUKTURA I OBIM SJETVE

Kod izrade plana proljetne sjetve za 2010. godinu vodilo se računa o stanju osnovnog resursa – poljoprivrednog zemljišta, odnosno dosadašnjeg stepena njegovog korištenja.

U 2010. godini realno se planira proljetna sjetva sa površinama i kulturama navedenim u sledećoj tabeli, a na bazi ostvarenja iz 2009. godine.

R. B	NAZIV KULTURE	OSTVARENO U 2009. GODINI (ha)	PLANIRANO U 2010. GODINI (ha)	INDEX
01.	Ječam jari	23	28	122
02	Zob jara	22	28	127
03	Lucerka	145	160	110
04	DTS	690	720	104
05	Djetelina	62	70	113
06	Kukuruz zrno	2700	2900	107
07	Kukuruz silaža	980	1200	122
08	Krompir	710	730	103
09	Grah	80	75	94
10	Luk crveni	45	40	89
11.	Luk bijeli	25	20	80
12	Kupus	48	40	83
13	Paradajz	65	60	92
14	Paprika	58	50	86
15	Krastavac	45	40	89
16	Ostalo povrće	50	45	90
17	Ostalo krmno bilje	65	60	92
	UKUPNO	5808	6266	108

Iz prethodne tabele se vidi da je planom proljetne sjetve u 2010. godini planirano da se na području Općine Kalesija obavi odnosu na

ostvarenje 2009. godine. Površine pod krmnim kulturama su nešto veće u odnosu na prethodne godine, za razliku od povrtlarskih kultura gdje su sjetvene površine nešto umanjene iz razloga što je sjetva na površini od 6266 ha, što je više za 458 ha u tržište BiH snabdjeveno povrćem iz zemalja okruženja.

Razlozi povećanja sjetvenih površina u 2010. godini su:

- Organizovani otkup mlijeka,
- Zakup državnog poljoprivrednog zemljišta,
- Izdvajanje novčanih sredstava od federalnog, kantonalnog i općinskog budžeta na ime podsticaja primarne poljoprivredne proizvodnje.
- Nabavka visokogradivnih junica na farmu Krušik od strane D.O.O.Milkosu iz Sarajeva.

### 3. PLAN POTREBNIH REPROMATERIJALA ZA PROLJETNU SJETVU

Da bi realizacija plana proljetne sjetve bila uspješna potrebno je obezbijediti dovoljne količine repromaterijala utvrđene na bazi planske strukture sjetvenih površina na području Općine Kalesija.

Vrsta repromaterijala	Sjetvene površine ha	Utrošak sjemena kg/ha	Ukupno kg	Cijena po jedinici mjere u KM	Ukupno KM
Sjeme kukuruza	4100	20	82000	7,00	574000
Zob, Ječam	56	150	8400	1,00	8400
Krmno bilje	1010	30	30300	8,00	2424000
Krompir	730	2500	1825000	1,20	2190000
Grah	75	150	11250	5,00	56250
Crveni luk	40	600	24000	3,50	84000
Bijeli luk	20	350	7000	10,00	70000
Ostalo povrće	235	3	705	270,00	190350
NPK đubrivo	6266	300	1879800	1,00	1879800
KAN 27 %	6266	150	939900	0,55	516945
Dizel gorivo	6266	50	313300	1,89	592137
Ulje i mazivo	6266	4	25064	7,00	175448
Herbicidi	2088	3	6264	27,00	169128
Insekticidi	2088	2	4176	20,00	83520
Fungicidi	2088	2	4176	18,00	75168
UKUPNO:					9089146

Iz predhodne tabele vidljivo je da su za realizaciju plana proljetne sjetve potrebna sredstva u iznosu od 9 089 146 KM.

Sjeme	5 597 000
Đubrivo	2 396 745
Dizel gorivo	592 137
Ulje i mazivo	175 448
Zaštitna sred.	327 816
<b>UKUPNO</b>	<b>9 089 146</b>

Vrsta usjeva	Planirana sjetva u ha	Prosječan prinos t/ha	Ukupna proizvodnja tona
Kukuruz	4 100	5,0	20 500
Jari ječam	28	3,6	101
Jara zob	28	3,2	101
Krompir	730	8,0	5 840
Grah	75	1,8	135
Kupus	40	12,0	480
Paradajz	60	6,0	360
Paprika	50	5,0	250
Crveni luk	40	6,0	240
Bijeli luk	20	3,5	70
Krastavac	40	7,0	280
Krmno bilje	1010	4,0	4 040

U cilju ostvarenja plana proljetne sjetve, potrebno je obezbijediti određene preduslove kao što su:

1. Obezbijediti kvalitetno sjeme i sadni material sa odgovarajućim porijeklom, certifikatom, fitopatološkim uvjerenjem i sortnoj čistoći.

2. Obezbijediti ostale repromaterijale za sjetvu (mineralna đubriva, zaštitna sredstva, gorivo i mazivo).

3. Iznaci novčana sredstva za proljetnu sjetvu i plasirati ih putem kredita uz odgovarajuću kamatnu stopu i povoljan grace period.

4. Blagovremeno obezbijediti neophodne rezervne dijelove za mehanizaciju (traktori i priključna oruđa), po planu nabavki kod poljoprivrednih proizvođača.

Realizaciju plana proljetne sjetve pratit će nadležna Služba za poljoprivredu.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Broj: 01-05-747  
Datum, 26.02.2010. godine

Fetah Hujdur s.r.

**20**

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće na 14. redovnoj sjednici održanoj dana 25.02.2010. godine, donijelo je slijedeći

**ZAKLJUČAK****I**

Prihvata se Informacija o podnesenim vijećničkim pitanjima i odgovorima na ista i inicijativama koje je prihvatilo Općinsko vijeće.

**II**

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-748  
Datum, 26.02.2010. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

**22**

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće na 14. redovnoj sjednici održanoj dana 25.02.2010. godine, donijelo je slijedeći

**ZAKLJUČAK****I**

Prihvata se Informacija o stanju u oblasti socijalne i dječije zaštite na području općine Kalesija u 2009. godini.

**II**

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-750  
Datum, 26.02.2010. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

**21**

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće na 14. redovnoj sjednici održanoj dana 25.02.2010. godine, donijelo je slijedeći

**ZAKLJUČAK****I**

Prihvata se Informacija o izgradnji sportske dvorane.

**II**

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-749  
Datum, 26.02.2010. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

**OPĆINSKI NAČELNIK****23**

Na osnovu člana 15. Zakona o principima lokalne samouprave ("Sl. novine FBiH" br. 49/06) i člana 56. Statuta općine Kalesija ("Sl. glasnik općine Kalesija" br. 7/03 i 12/05), Općinski načelnik Kalesija, dana 03.02.2010. godine, donosi

**RJEŠENJE**

o imenovanju Organizacionog odbora za obilježavanje datuma i događaja značajnih za obilježavanje na području općine Kalesija

**I**

U Organizacioni odbor za obilježavanje datuma i događaja značajnih za obilježavanje na području općine Kalesija, imenuju se:

1. Jusufović Hazim – predsjednik,
2. Halilović Osmo – član,
3. Gutić Abdulah – član,
4. Hujdur Fetah – član,
5. Hujdurović Fadil – član,
6. Avdić Muhamed – član,
7. Huremović Ibro – član,
8. Fazlić Safet – član.
9. Alić Muhamed – član.

**II**

Zadatak Odbora je da:

- u skladu sa Odlukom o utvrđivanju datuma i događaja značajnih za obilježavanje na području općine Kalesija, sačini Programe obilježavanja tih datuma i događaja, kao i državnih praznika, čije se obilježavanje organizuje na lokalnom nivou,
- izvrši sve organizacione i tehničke pripreme za obilježavanje tih datuma i događaja,
- aktivno sudjeluje na provođenju tih programa.

**III**

Odbor za svoj rad odgovara i izvještaj podnosi Općinskom načelniku, po realizaciji svakog programa pojedinačno.

**IV**

Ovo Rješenje stupa na snagu danom donošenja i bit će objavljeno u «Službenom glasniku općine Kalesija».

**V**

Stupanjem na snagu ovog Rješenja, prestaje da važi Rješenje o imenovanju Organizacionog odbora za obilježavanje datuma i događaja značajnih za obilježavanje na području općine Kalesija («Sl. glasnik općine Kalesija» br. 3/07).

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-438/10  
Datum: 03.02.2010. godine

OPĆINSKI NAČELNIK

Rasim Omerović s.r.

# *S a d r Ź a j*

<b>OPĆINSKO VIJEĆE</b>	<b>Strana</b>	<b>OPĆINSKI NAČELNIK</b>	<b>Strana</b>
14. Odluka o načinu i uslovima raspodjele poslovnih prostora u stambeno-poslovnoj zgradi «Stari MUP» i poslovnoj zgradi «DOM MLADIH» Kalesija .....	14	23. Rješenje o imenovanju Organizacionog odbora za obilježavanje datuma i događaja značajnih za obilježavanje na području općine Kalesija .....	20
15. Odluka o uslovima i načinu davanja u zakup stana u Tuzli .....	15		
16. Odluka o utvrđivanju stvarne služnosti za postavljanje podzemnih komunalnih instalacija kroz napuštenu vodovodnu trasu „Papraca – Kalesija“ na području Općine Kalesija .....	15		
17. Odluka o kriterijima za podsticaj u poljoprivrednoj proizvodnji za 2010. godinu .....	16		
18. Odluka o izmjenama i dopunama Odluke o kriterijima za utrošak sredstava za zapošljavanje na području općine Kalesija .....	16		
19. Plan proljetne sjetve za 2010. godinu ...	17		
20. Zaključak .....	19		
21. Zaključak .....	19		
22. Zaključak .....	19		